



Eswatini Electricity Company

**SIFINYETO LUHLAKA
LWEMGOMO NCHUBO WEKUHLELISA NEKUNCMPHETELA SIVE LESITAWUPHATAMISWA
NGUMSEBENTI WETAKHIWO TAGESI
LOHLONGOTWAKO**

PROJECT ID: P166170

Lusuku: 2 Inkhwekhweti 2019

Loluhlaka lwemgomo weluhleliso nekuncephelela imiti letawutsikameteka ngumsebenzi lomkhulu lohlongotwako lwakhiwe yinkapane yeMagesi Eswatini (EEC), ngekuhambisana nemigomo yemsetfo welive kanye neyelibhange lemhlaba mayelana netemvelo kunye nemazinga esimonhlalo, ikakhulu imigomo nemibandzela yekususa bantfu etindzaweni tabo bangakatihleleli (EES.5). Ngekusho kwalemigomo, imitselela yekususwa endzaweni lohlahla kuyo ibanti. Kungafaka ekhatsi kulahlekelwa ngumhlaba, luphahla kuye kufike ekutsikabeteni tindlela tekutiphilisa kwesikhashana nome kwemphilo yonkhe. Loluhlaka ke luhlose kugcizelela inchubo yekuchumanisa kukhulumisana nakuchutjwa kubuketwa kwetikhalo letingahle tivele mayelane nekutsintseka kwemhlaba noma takhiwo endzaweni yalomsebenzi lomkhulu lohlongotwako esifundzeni saseShiselweni.

Loluhlaka lakhelwe kuphakamisa tindlela tekucondzisa, kulungisa luphindze lucalisee luhlelo lekususa nome lekuhlelisa kabusha imiti netindzawo tebantfu letingahle tiphatanyse ngulomsebenzi lomkhulu. Lubeka timiso netinhloso letilawula kulungisela, nako-ke kuphumelelisa tindlela tekunciphisa sigaba sekususa nome tekuhlelisa kabusha. Injongo yaloluhlaka kwenta siciniseko sekutsi labantfu labatawutsikabeteka ngekususwa etindzaweni tabo bashiywa basesimeni lesincono kunaleso labebakiso ngaphambi kwekusuba kwabo ngulomsebenzi lohlongotwa ngulenkapani yeMagesi. Nasekubonakala ngalokucacako imitselela yalokutsintseka kwebantfu nemihlaba yabo Kanye netakhiwo kutawubese kuyakhulunyiswana kubukwa tindlela tekucocisana kucinisekise kutsi labantfu bayanakeleleka futsi bayancepheitelwa ngalokufanele.

Ngesikhatsi kusacwaningwa kuhlelwa lokutawentiwa esigabeni sekucala nesesibili, kuyabita kutsi kulandzelwe yonkhe imigomo yekususa noma kuhlelisa kabusha imiti yebantfu, kuchumanisa nekuhlela njengekusho kwemitsetfo lebuke kuchutjwa kwalomsebenzi ngekwetimiso leticuketfwe ngubhukwana lokhuluma ngemigomo nemibandzela yekususa bantfu etindzaweni tabo bangakatihleleli (ESS.5). Hulumende welive laseEswatini utimisele kulandzela emazinga labekwa libhange lemhlaba leyencabela kususa kwebantfu bangakatihleleli bona.¹ Uphindze alandzele yonkhe imibandzela lefanele kulandzelwa nangabe simo siphocela kutsi vele bantfu basuswe kute kuphumelele lomsebenzi lomikhulu welive.

Etimeni lakhona kute indlela yekubalekela kususa bantfu, inhlango yeMagesi Eswatini (EEC) itimisele kulandzela yonkhe imigomo yekuncephelela labatsintsekako nekwenza siciniseko sekutsi iyabelekelela kutsi babuyiselwa esimeni sabo semphilo nome ke imphilo isale incono kunakucala. Lokuncephelela nekuhlelisa kabusha kutawufaka ekhatsi: kususwa endzaweni kumbe kwesikhashana nome kwemphilo yonkhe, kwendlule lapho kubukete nako kutsikabeteka kwetindlela tekutiphilisa lokubangwa kususwa endzaweni ungakatihleleli.

Kusalungiselwa loluhlelo lwekuhlelisa nekuncephelela (RAP), kutawubuketwa simonhlalo nesimomnotfo kutobonakala kutsi: a) bobani labantfu labatawutsintseka, futsi bakutiphi tindzawo, b) kuhlolisise lizinga labo lekuphila, c) kuye kufike ekubukeni kudzinga kwabo ngekwehlukahlukana, d) batawulahlekelwa kangakanani vele ngekususwa kwabo, e) nekuvula tindlela tekuchumana nekukhulumisana emkhatsini kwabo bonkhe labaphatsekako kulomsebenzi kanye nenkapani yeMagesi.

Bonkhe labatawutsintseka ngekusho kwemigomo yaloluhlaka lolugcwele (RPF) batawuba nelilungelo lekuncepheitelwa, baphindze belekelelwe ngekutsi bakhelwe embili. Labatawutfole lokunakekelela ngulelihlelo, bantfu labakuletigaba letilandzelako; i) Labanemhlaba nome imphahla ngalokusemtsetfweni, ii) nalabo labete imphahla nome umhlaba ngalokusemtsetfweni kepha umtsetfo uyabanika lelulungelo fanana netivumelwano ngekwemtsetfo nemihambo yesintfu,

1. Ngekweluhla lwekubaluleka, bhukwana lobuke tindlela tekuvikela kutsikabetwa ngekususwa kwebantfu i(ESS 5) kugwema nguyona-ndlela lencono kunato tonkhe. Kubalulekile kugwema kususa takhiwo nome bantfu endzaweni yabo lapho khona sebanetindlela tabo tekutimela kutemnotfo nangabe kubesusa kungababangela bulukhuni. Kodvwa-ke, 'kugwema' ete kwakhonakala etimeni lapho khona temphilo nekuphepha tingatsikabeteka. Tikhona futsi timo lapho khona kususa bantfu kungaletsa intfutuko emindenini nasemimangweni. Lentfutuko ingafaka ekhatsi takhiwo, temphilo, tekuphepha nalokunye lokunyenti lokutsintsa lizinga lemphilo.

iii) nalabo labanelilungelo ngekwemtsetfo kutsi imphahla labayisebentisako nome umhlaba labahlala kuwo bafanele kutsi bancephetelwe baphindze balekelelwe ngekutsi bakhelwe embili lapho basuselwa khona. Laba ke bafanele kutfola kuncephetelwa ngalokuphelele, kulingane lizinga lelibafanele, ngekwehlukana kwabo.

Lesincephetelo lesifanele ngekwesilinganiso singafaka ekhatsi imali noma kwenana umhlaba ngalomunye, tindleko tekutfutwa uyobekwa noma kwakhelwa encenye, kubuyisela tindlela tekutiphilisa.. Lesincephetelo sitawubalwa ngekulandzela nekuhambisana nayo yonkhe imigomo yekuncephetela njengekusho kwemtsetfo welive iAcquisition of Property Act wa (1961) kunye nemigomo nemibandzela yelibhange lemhlaba (WB), nangekulandzela timiso temtsetfo wenkapane yeMagesi iElectricity Act wa (2007).

Silinganiso setincephetelo kufanele sibesezingeni siphindze sihambisane nemazinga ekwehla nekwenyuka kwentsengo emakethe (inflation). Kumele futsi kutsi kusabalwa tincephetelo, bancephetelwe ngalokuphelele, kucinisekwe kutsi tibalo tinjengobe limisile libhange lemhlaba, emgomeni walo we (ESS.5), nekutsi kusetjentelwe ebaleni kubete lokufihlwako kusachutjwa loluhlelo lekuncephetela bonkhe labatsintsekako.

Loluhlelo lwekubala sincephetelo netindlela tekwakhela kabusha labesuswako kufanele lube sebaleni futsi luvakale ngalokucacile kubo bonkhe labantfu labesuswako etindzaweni tabo. Lelilungelo lekuncephetelwa lelimiswa nguloluhlaka ngilo lelitawucondzisa kuncephetelwa kwalabo labesuswako neme labatsintsekako njengalokufanele. Kutawumiswa lusuku lwekuvala kubhalisela nekubuketwa kwalabafanelekile nome-ke labanelilungelo lekuncephetelwa. Loko kutawentelwa kuvikela ematsabelangoti langase afuna kugudla atsikabete loluhlelo.

Loluhlaka lolugcwele (RFP) seluhlolisise ematiko netinhlango lyawudzingeka kutekuchumana nenchubo yaleluhlelo lweku hlelisa labesuswako nekubancephetela labatsikabetekile (RAP). Lamatiko nome tinhlango tifaka ekhatsi: Ematiko ahulumende, emabandla lahola imimango, boBabe Tikhulu, tinhlango letitimele kanye netinkampane taHulumende (SoE) labatawutsintfwa ngulomsebenti kanye neluhlaka lwekuchumana kwabo (SEP) loselwakhiwe. Loko kutawucinisekisa kuphindze kusimamise sifiso sekugcina yonkhe imibandzela lelindelekile kutsi ilandzelwe. Kutawuphindze kucashwe libandla (PIU).lelitawucecehwa lilungele kutfutukisa nekuchuba lomsebenti lomkhulu enkapaneni yeMagesi

Lelibandla lePIUngilo lelitawubuka kuchuba nekuchumanisa tonkhe tinhlelo letihambisana nekuhleliswa kabusha kwebantfu labesuswa etindzaweni tabo. Ngilo lelitawenta siciniseko sekutsi tindleko tekuncephetela nekwakhela kabusha kwalabatsintsekako kwenteka ngekushesha futsi kungakacalwa umsebenti wekwakha. Litawuphindze lente siciniseko sekutsi indzawo lekutawusetjentwa kuyo (site), Kanye netivumelwano nalabo labatsintsekako ngalomsebenti lomkhulu tifika etandleni tebakhi ngemuva kwekuphetfwa kwembiko wekuncephetela nekuhlelisa ngekuvuma nekuphasiswa libhange lemhlaba.

Loluhlangotsi lolubuke kucondzisa loluhleliso nekuncephelela (RAP) lutawuphindze lwakhe tindlela tekicinisekisa kunaka nekubuketa kwemivo netikhalo letinsha nome letingaba yimivuka (GMR) yalabasuswako nakusalungiselelwa noma sekuchutjwa noma kuphetfwa lomsebenti wekwakha. Labesuswako batawubikelwa batiswe njalo njalo, futsi ngekushesha ngalokwentekako usachubeka lomsebenti ute uyophetfwa. Lokunakekelwa kwetikhalo kutawubamahhala futsi kutawuvuleleka kufinyeleleke kalula kuwonkhe muntfu, ngenhloso yekubalekela kunyatseleka kwemalungelo alabo labangenawo emandla ekutivikela, lokungaba nguloyedvwa nome balicembu.

Tonkhe letindleko tekuncephelela labesuswako titawetfwalwa yinkapane yeMagesi Eswatini (EEC). Lenkapane itinikele kubeka eceleni imali letigidzi letisihlanu semadola emelika (USD 5 Million) kunakelela tindleko tekuchuba lomsebenti weluhleliso nekuncephelela nako konkhe lokuhambisana nalo loluhlelo. Kutawuvulwa libhuku ebhange lokutawufakwa kilo lemali yekuchuba lomsebenti, linakwe luhlangotsi lwetimali kuyo inkapane yeMagesi Eswatini.

Letimali setilungisiswe tafakwa kulelibhuku ungakacali lomsebenti. Tonkhe letinye tindleko letitawuhambe tivela endleleni nato titawubonwa ngiyo inkapane yeMagesi Eswatini (EEC). Loku kuhamba kute kufake netindleko letibangwa kwehla nekukhuphuka kwentsengo etimakethe nome-ke takhiwo nemhlaba lekungakabalelwa kahle ekucaleni.

Kutakutsi nakusalungiswa tenhlalo nemvelo nako kuchuba lomsebenti wekuhlelisa nekuncephelela kutabekuchubeka; loluhlangotsi loluchuba lomsebenti litawuchumana nemimango lephatsekako, kufaka ekhatsi lemimango lemisha lakwenteka khona lomsebenti. Luhlelo lwekuchumanisa labaphatsekako (SEP) ngilo kanye lolutawubuka lokuhlanganisa nekucocisana kwabo bonkhe labaphatsekako Kanye nenkapane yeMagesi. Loluhlelo lutawulungela kusebenta “**lubhembesele**” timo letingahle tivele.²

Lisahola lomsebenti, lelibandla lePIU litabe libukisisa licilikele simonhlalo nesimomnotfo salabo labete emandla ekutivikela kusachutjwa lomsebenti. Ekuphetfweni kwalomsebenti luhlathiyo lwekuchutjwa nekwephetfwa kwawo lutawufaka ekhatsi, kuhlatiya simonhlalo salabesuswa noma labatsikabeteke ngekucatsanisa imphilo yabo basengakesuswa nome batsikabeteke naleyo lensha ngemuva kwekususwa noma kutsikabeteke kwabo.

Loluhlaka lolugcwele (RPF) lwakhiwe, futsi liyatfolakala ekhasini langcondvomshina www.eec.co.sz – lelibukwe ngiyo inkapane yeMagesi Eswatini EEC/NRAP kute lube lusito nemcondzisi kusalungiswa, nakhona sekuhleliswa kususwa bantfu. Luyawusebenta ute uyophetfwa lomsebenti. Loluhlaka lolugcwele (RPF) ke lucuketse nati tintfo:

- a) Inchazelo lemfishane ngeticeshana netingoni letimcoka ngekubaluleka kwemhlaba nekwakhela kabusha labesuswako, nekuchaza kutsi leni kudzingeke luhlaka lwekuhlelisa esikhundleni sekuvele kuhlelwe luhleliso;
- b) Imitsetfo nemigomo lelawula emalungiselelo eluhleliso lwekususwa kwebantfu kanye nekuchutjwa kwawo lomsebenti;
- c) Kuchaza kusuka nekuhlala kwemalungiselelo nekuvunyelwa kweluhlelo lwekususa bantfu;
- d) Tilinganiso temitselela yekususwa kwebantfu, netilinganiso tetinombolo tebantfu labaphatsekako, nekuhlolisisa kutsi kutawuphumelela yini;
- e) Inchazelo yekutsi ngulonjani lofanele kuncephelelwa, futsi uncephelelwa njani;
- f) Umtsetfomgomo lobuketa budlelwane bemitsetfo yekweboleka timali naleyo yemabhange yekwebolekisa ngenhloso yekuvikela kulahlekelwa kwalomunye;
- g) Tindlela tekubalwa kwetilinganiso tentsengo yetakhiwo nemphahla letawutsintseka;

- h) Imigomo lefanele kulandzelwa nakuncephetelwa, lusito kusesuswa lebantfu kuya kulensha indzawo, kufaka ekhatsi labatimele lokutawubita kusetjentiswane nabo, imisebenti lelindzeleke kulabachumanisa kukhokhwa kwetindleko, Hulumende welive kanye nemtfutfukisi lotimele;
- i) Kuchazwa kweluhlaka lwekusebenta lomsebenti, kuchumanisa loluhleliso kunye nalabo labatawusebenta lokwakha;
- j) Kuchazwa kweluhlangotsi lolulindze kwemukela lunake tikhalo letitawuvuka endleleni;
- k) Kuchazwa kwetinhlelo tekukhokhela tindleko taloluhleliso. Kufaka ekhatsi kulungiselela nekuhlatiya tintsengo, kuhamba kwetimali kanye nekucinisekisa kutsi lokutawuvela kungakalindzeleki kutawuchutjwa njani;
- l) Kuchazwa kwetindlela tekucocisana, kubonisana nekutsi-ke labesuswako babe yincenye yetinhlelo kusalungiswa, nakhona sekuchutjwa lomsebenti;
- m) netindlela tekulandzelela lomsebenti letitawusetjentiswa ngulabo labaphetse, kunye nalabo labachuba lomsebenti wonkhe.

2 'kubhembesa'- kusho kwenta tincumo nekulungisa ngendzaba yelwati lolusha netingucuko letitawubonakala ebudzeni bendlela. "lokubhembesa' 'akusho kona kugucula tinjongo ekhatsi nemisebenti kepha kusho kutsambela kugucula indlela nome-ke umkhondvo wekufikela kuletinjongo ngekulungelana nalolwati netingucuko letivela ekhatsi nemisebenti.